



# Sahabat Alam Malaysia Friends of the Earth Malaysia

For Environmental Justice

1, Jalan Joki, 11400 Penang, Malaysia  
Tel No: +604 827 6930  
Fax No: +604 827 6932  
Email: foemalaysia@gmail.com  
<https://www.foe-malaysia.org>

Surat Kepada Pengarang

30 Januari 2018

## Zoo Tidak Dapat Meniru Habitat Hidupan Liar

Perhatian terhadap zoo sekali lagi muncul dan kali ini tumpuannya adalah kepada Zoo Kemaman, Terengganu. Didakwa pekerja Zoo Kemaman yang bersungut berkongsi gambar haiwan dalam sangkar kecil dan gajah yang dirantai di luar dibiarkan di dalam hujan, dengan aktivis kebajikan haiwan.

Gambar zoo yang ditunjukkan dalam media sosial menggambarkan bagaimana haiwan itu dipelihara. Walaupun mereka mengakui prihatin terhadap haiwan, zoo lebih tepat dijelaskan sebagai kumpulan haiwan menarik berbanding tempat atau kediaman sebenar. Malah di dalam keadaan terbaik di zoo terbaik, kurungan tidak dapat meniru habitat haiwan liar.

Persekitaran ini mungkin bukanlah tempat yang sesuai serta bebas daripada masalah, tetapi haiwan ini telah berevolusi beribu tahun, menyesuaikan diri untuk hidup dalam jenis persekitaran semula jadi tertentu. Menempatkan haiwan dalam persekitaran yang tidak sesuai bagi spesies ini boleh menyebabkan tekanan dan masalah tingkah laku.

Sahabat Alam Malaysia (SAM) percaya adalah lebih baik untuk tidak mengurung haiwan liar sama sekali jika keperluan mereka tidak dapat dipenuhi terutama sekali jika haiwan itu ditempatkan untuk tujuan hiburan.

Mempersembahkan haiwan kepada pengunjung zoo sebagai hiasan kehidupan mengajar kanak-kanak bahawa haiwan boleh dimanipulasikan dalam usaha untuk memenuhi sifat ingin tahu mereka. Zoo mengajar orang bahawa manusia mempunyai hak untuk memperhambakan haiwan, dan memperkuat lagi tanggapan bahawa haiwan itu hanya untuk manfaat kita. Tingkah laku pelik dan terganggu haiwan di zoo menyediakan bukti selanjutnya bahawa memelihara haiwan dalam kurungan adalah salah. Zoo gagal untuk mengenal pasti bahawa haiwan mempunyai keperluan mereka sendiri untuk dipenuhi untuk tujuan mereka sendiri.

Kakitangan zoo perlu berhenti daripada menyatakan bahawa ia mempunyai nilai pendidikan dengan mempamerkan haiwan di dalam sangkar besi dan dinding kaca. Tidak kira apa yang dipamerkan – orang melayan pameran sebagai satu hiasan. Dakwaan zoo berperanan ‘mendidik’ perlu dicabar jika masyarakat menghormati haiwan.

Apa yang tidak dipersoalkan ialah majoriti zoo Malaysia dijalankan untuk tidak lebih daripada keuntungan atau hiburan dan keadaannya sering tidak berapa baik.

Kini tiba masanya untuk menilai bagaimana pengendali pameran haiwan yang dilesenkan oleh kerajaan persekutuan mematuhi standard kebajikan haiwan minimum. Sistem pelesenan dan pemeriksaan semasa tidak memastikan bahawa zoo kita memenuhi dan mengekalkan, melebihi standard minimum kebajikan haiwan.

SAM menggesa Kementerian Sumber Asli dan Alam Sekitar dan Jabatan Hidupan Liar supaya menghentikan pemberian permit untuk membuka zoo baharu. Sebagai ganti, mereka seharusnya memberikan tumpuan kepada zoo yang berada dalam keadaan yang tidak memuaskan untuk memastikan ia memenuhi standard perumahan, ternakan, kebajikan, dan kesihatan untuk semua penghuninya.

**S. M. Mohamed Idris**  
Presiden  
Sahabat Alam Malaysia